



Sud Bosne i Hercegovine
Kabinet predsjednika Suda

Суд Босне и Херцеговине
Кабинет предсједника Суда

Broj: Su-10-414-5/23
Sarajevo, 08.01.2024. godine

Gđa Valentina Pavličić
Zastupnica Crne Gore
pred Evropskim sudom za ljudska prava

PREDMET: Odgovor – dostavlja se;

Poštovana gospođo Pavličić,

U ime Suda Bosne i Hercegovine, izražavamo naše duboko cijenjenje Vašeg angažmana i značajnog doprinosa u svojstvu Zastupnice pred Evropskim sudom za ljudska prava u našim zajedničkim aktivnostima. Vaše bogato profesionalno iskustvo, uključujući dugogodišnje sudijsko djelovanje i aktivni rad na primjeni standarda Europske konvencije o zaštiti ljudskih prava i temeljnih sloboda (EKLJP), kao i poznavanje prakse Europskog suda za ljudska prava (ESLJP), bili su ključni u uspjehu aktivnosti koje je Sud organizirao u partnerstvu s AIRE Centrom – Program za Zapadni Balkan.

Vaše izlaganje na radionici o temi „*Suđenje u predmetima krivičnog djela pranja novca – standardi, praksa i izazovi*“ održanoj u septembru 2023. godine, osvijetlilo je aktuelna pitanja i praksu ESLJP-a u vezi sa krivičnim djelom pranja novca, ukazujući na specifične članove Konvencije i presude ESLJP-a koje su relevantne za ovu temu. Također, na održanom Koledžu Suda Bosne i Hercegovine u decembru 2023. godine, imali smo priliku čuti Vaše izlaganje na temu „*Zakonitost dokaza proisteklih iz kriptovanih komunikacionih platformi (Sky Ecc, Anom), međunarodni standardi i aktuelna pitanja*“. Vaše izlaganje, potkrijepljeno primjerima iz najrecentnije sudske prakse zemalja Europske Unije, bilo je ne samo informativno već i od ključne

važnosti za naš rad, imajući u vidu da se pred Sudom Bosne i Hercegovine vodi značajan broj predmeta u kojima se kao dokazi pojavljuju podaci pribavljeni iz kriptiranih komunikacijskih platformi.

Sud Bosne i Hercegovine i AIRE Centar – Program za Zapadni Balkan, ostvaruju uspješnu dugogodišnju suradnju u oblasti primjene Konvencijskih standarda, sudske prakse ESLJP, kao i jačanja vladavine prava kroz međunarodne konferencije, obuke, seminare, te izradu stručnih analiza i publikacija. Ova suradnja je bila temelj našeg napretka u ovoj oblasti, doprinoseći jačanju pravne sigurnosti i vladavine prava u Bosni i Hercegovini i postavljajući temelje za zajedničku regionalnu suradnju.

Cijenimo Vaš profesionalni rad i stručni doprinos, te se zahvaljujemo na Vašoj posvećenosti i učešću u dosadašnjim aktivnostima. Radujemo se budućim prilikama za suradnju, s nadom da će naše zajedničko djelovanje i dalje doprinositi jačanju pravnog sistema u Bosni i Hercegovini i šire.

S poštovanjem,



V. D. PREDSJEDNIKA SUDA

Minka Kreho

Kraljice Jelene 88, 71000 Sarajevo

Telefon:
++ 387 33 707 301

Fax:
++ 387 33 707 320

web:
www.sudbih.gov.ba

e-mail
pios@sudbih.gov.ba